

Ўзбекистон Республикаси Президенти Евроосиё иқтисодий иттифоқи саммитида иштирок этди



Ўзбекистон Республикаси Президенти Шавкат Мирзиёев 10 декабрь куни Олий Евроосиё иқтисодий кенгашининг видеоанжуман шаклида ўтган навбатдаги йиғилишида иштирок этди.

Қозоғистон Республикаси Президенти Қасим-Жомарт Тоқаев раислигига ўтган саммитда Кенгаш Фахрий раиси, Қозоғистон Республикасининг Биринчи Президенти – Элбоши Нурсултон Назарбоев, Россия Федерацияси Президенти Владимир Путин, Беларусь Республикаси Президенти Александр Лукашенко, Қирғиз Республикаси Президенти Садир Жапаров, Арманистон Республикаси Буш вазири Никол Пашинян, ЕОИИ хузуридаги кузатувчи мамлакат - Куба Республикаси Президенти Мигель Бермудес ва Евроосиё иқтисодий комиссияси Ҳайъати раиси Михаил Мясникович қатнашди.

Йиғилиш кун тартибидан ЕОИИ маконида ўзаро манфаатли ҳамкорликни янада ривожлантириш ва интеграция жараёнларини чуқурлаштириш, жумладан, иқтисодиёт, савдо, саноат, транспорт, божхона маъмуриятчилиги, рақамлаштириш ва бошқа йўналишларда амалий шерикликни кенгайтириш масалалари ўрин олди.

Ўзбекистон Президенти ўз нутқининг аввалида Қозоғистоннинг ЕОИИдаги раислиги муваффақиятли бўлгани ва унинг ташаббуси билан Бирлашма доирасида муҳим қарорлар қабул қилинганини таъкидлаб, Қозоғистон мамлакатимиз ва Ташкилот ўртасидаги конструктив ҳамкорликни мустаҳкамлашга қаратилган қўшма тадбирларни қўллаб-қувватлаганини алоҳида қайд этди.

Ўзбекистон ЕОИИ фаолиятида кузатувчи давлат сифатидаги иштирокини бошлаганидан ўтган бир йил мобайнида уч йиллик Чора-тадбирлар режаси доирасида Бирлашманинг турли органлари, энг аввало, Евроосиё иқтисодий комиссияси (ЕИК) билан самарали ҳамкорлик йўлга қўйилгани таъкидланди.

Миллий қонунчиликни ЕОИИ нормалариға, биринчи навбатда стандартлаштириш ва ташқи савдони нотариф тартибиға солиш соҳаларида яқинлаштириш ишлари изчил давом этмоқда. Мамлакатимиз “COVIDсиз саёҳат қиласман” рақамили платформасига уланди. Евроосиё тараққиёт банкига қўшилиш жараёни бошланди.

Бугунги даврнинг қийинчилклариға қарамай, мураккаб шароитларга мослашиш ва янги “ўсиш нуқталари”ни топишга муваффақ бўлинаётгани қайд этилди. Хусусан, Ўзбекистоннинг Ташкилот мамлакатлари билан товар айирбошлиш ҳажми жорий йил бошидан 30 фойизга, 2019 йилга нисбатан эса 11 фойизга ортди.

Президентимиз қўшма қарорлар қабул қилишни тақозо этаётган энг долзарб вазифаларни кўрсатиб ўтди.

Иқтисодий алоқаларни барқарор ривожлантириш учун ёндашувларни янада мувофиқлаштириш зарурлигини қайд этиб, Ўзбекистон етакчиси ўзаро савдода тўсиқ ва чекловларни бартараф этиш муҳим эканини таъкидлади. Шу муносабат билан юртимиз ЕОИИ мамлакатлари билан товар айирбошлишни кўпайтириш учун энг қулай шароитлар яратиш борасидаги ёндашув ва механизмларни биргалиқда ишлаб чиқишига тайёрлиги билдирилди.

Давлатимиз раҳбари саноат кооперациясини мустаҳкамлашнинг долзарб аҳамиятини яна бир бор таъкидлаб, бу борада, шу жумладан Ташкилот доирасида Индустрналлаштириш онлайн харитасини яратишида иштирок этиш орқали ҳамкорликни тизимили асосда йўлга қўйиш таклифини илгари сурди.

Президентимиз янги транспорт йўлакларини яратишига қаратилган, мамлакатларимиз транзит салоҳиятини оширишига хизмат қиласиган лойиҳаларни янада фаолроқ илгари суришга чақириди.


Ўзбекистон юқ ташишларни кузатиш учун навигация тамғаларини жорий қилиш дастурига қўшилиши мумкинлиги қайд этилди. ЕОИИ логистика занжирларини ривожлантириш рақамили экотизимини яратиш тўғрисидаги ташаббус қўллаб-қувватланди.

Иштирокчиларнинг эътибори глобал иқлим кун тартибини ҳисобга олган ҳолда “яшил” энергетика лойиҳаларини амалга ошириш борасидаги саъй-ҳаракатларни бирлаштириш зарурлигига қаратилди. Шу муносабат билан давлатимиз раҳбари Ўзбекистон юқори даражадаги Ишчи гуруҳи фаолиятида иштирок этишига тайёр эканини билдириди ҳамда унинг доирасида “яшил” тараққиёт соҳасида Чора-тадбирлар режасини тасдиқлашни таклиф этди.

IT соҳасида тажриба алмашиш ва ишбилармонлик алоқаларини ривожлантириш муҳимлиги қайд этилди ва шу муносабат билан навбатдаги Евроосиё рақамили форумини Ўзбекистонда ўтказиш ташаббуси илгари сурилди.

Кузатувчи давлатларни Евроосиё маконидаги долзарб ташабbusлар ва кооперация дастурларини амалга оширишига янада фаол жалб этиш, шунингдек, илмий-техник ва гуманитар алмашинувларни рағбатлантириш зарур экани таъкидланди. Шу мақсадда давлатимиз раҳбари ЕОИИ Тараққиёт маркази имкониятларидан фойдаланишини ҳамда кузатувчи мамлакатларнинг Кенгаш ва ЕИК органлари ишида иштирок этишини таклиф этди.

Президентимиз нутқининг якунида Ўзбекистоннинг Евроосиё иқтисодий иттифоқи мамлакатлари билан ўзаро манфаатли ҳамкорликни мустаҳкамлашга интилиши қатъий эканини яна бир бор тасдиқлади.





Манба